

四庫全書

集部

欽定四庫全書

集部

摛文堂集卷六

四至

詳校官庶吉士臣陳若霖

侍讀臣孫球覆勘

謄錄貢生臣王兆泰

謄錄監生臣李光緒

謄錄監生臣陳祁

欽定四庫全書

搞文堂集卷四

宋 慕容彥逢 撰

制

龍圖閣直學士朝奉大夫林摠可開封尹制  
開封典治京師總漢三輔事任雄峻益難其人具官某  
心術疏通材猷閼遠曩以詞學揚歷要塗出守大邦益  
練民政今予命爾尹茲浩穰輦轂之下耳目所及設施  
之要朕得以觀焉可不勉與可

朝散郎新除太僕少卿李罕可開封少尹制

勅具官某輦轂之下民俗浩穰推擇俊良徃貳內史惟汝風力彊敏克以材稱比膺選掄擢佐司僕屬謀副尹僉曰汝諧祇服寵章益加勵勉可

宣德郎尚書司封員外郎王孝迪可太常少卿  
制

勅具官某太常之長常缺不除而少卿實總寺事典朕三禮任屬匪輕惟爾學術行能夙有聞譽為郎華省亦

既閱時宜膺選掄進踐厥次服茲寵命尚加勉旃可

祕書省正字蔡嶷可起居舍人制

勅具官某聯職兩省均曰侍臣而載筆螭坳茲為親近以爾問學詞藝夙著譽言奉對廣廷嘗冠多士議論勁正風節可嘉是正蘭臺涵養益粹不次之擢較自朕志其服命書進陞右史尚多後祉往惟欽哉可

殿中丞某官可祕書丞制

勅具官某藏書內閣昔比道山為丞于茲秩任清美以

爾性資開爽職業靖共學識行能士論推崇彙膺考擇  
贊治殿中夙夜克勤久而愈勵惟策府育材之地肆予  
命爾涵養優游以備除擢往其欽佩益懋厥修可

左司諫劉正夫可起居郎制

勅具官某載筆之臣記朕言動職清地顯選授惟難以  
爾學有師承文知體要擢在諫省僉論允諧朕所簡知  
進陞左史惟克祗服尚茂寵榮可

祕書郎劉煥可起居郎制

勅具官某左右史臣記朕言動執簡載筆日侍軒墀惟爾問學淹該行義端潔擢司祕籍涵養益嘉其服命書進直東省夫華要之職兄弟迭居爾之膺此可謂榮矣往懋厥修以稱眷遇可

祕書郎趙思誠可著作郎制

勅具官某謨述之臣尤資望實史館之長常缺不除惟爾力學有文擢在清貫典司祕籍亦既閱時石室紬書金馬遞宿古人榮之今以命爾較自朕志爾往欽哉可

奉議郎祕書丞胡伸可著作郎制

勅具官某朕招延俊良處之內閣而史館以誤述為職  
其選尤慎爾學問詞藝夙有譽言為丞蘭臺閱日既久  
納書石室往佐討論祇服朕恩尚加勵勉可

承事郎京東西路學事司管勾文字蔡佃可祕  
書省校書郎制

勅具官某東觀圖書比于藏室典校之選時為清途以  
汝經術能行夙有聞譽副朕親策名在甲科賜對燕朝

載詳厥蘊敷奏有序陳義可嘉儒館優游宜以命汝試用自此往惟欽哉可

祕書省正字俞稟可校書郎制

勅具官某朕藏書東觀招延畯良以備異日公卿之選爾問學行義升選于鄉名冠貢書朕所眷拔為郎典校時迺序遷爾尚益尊所聞副朕育材之意其勉之哉可

宣德郎劉煥可祕書郎制

勅具官某朕招延時俊寵以清途使之優游藝文不累

以事益將養成其才以備選擧惟爾學行之美達于朕  
聞召對燕閒陳誼可采為郎東觀校自朕心爾其益懋  
厥修以稱朕命往欽念哉可

朝請郎權發遣轉運副使張莊可除直龍圖閣  
依前朝請郎制

勅具官某朕考覈羣臣務先效實疏榮示寵資以勸能  
爾擢在外臺見謂敏濟修和新境宣力惟勤延閣清華  
選任攸重舉以褒賞時乃茂恩往克欽承嗣有推擇可

奉議郎守殿中侍御史徐處仁可左正言制

勅具官某兩省諫臣以言入侍實朕耳目之任非有猷  
有守忠亮不回者未易居此爾問學之醇操履之潔揚  
歷憲屬闈日既多糾肅在廷雅志可尚用加褒進處以  
近班朕于庶言惟是正聽爾能言之無慮朕之不能行  
也往踐厥官益思報稱可

通直郎試中書舍人侯綬可給事中制

勅給事中號東臺舍人以糾正違失為職肆于推擇必

惟端良具官某學術純明文采該贍擢自柱史置諸詞垣建明居多抗議鯁諤論駁之任汝往為宜其體眷知益加懋勉可

中書舍人鄭久中可除給事中制

勅朕為官擇人以熙庶績內外任使必惟材能矧東臺侍從之臣出納所繫選用之慎宜難其人具官某學術醇明操履端潔比采素望擢置詞垣論通古今之宜文得制誥之體肆加褒進以示簡知夫閑讀之繁論駁之

重惟忠惟恪迺罔有愆汝往欽哉無怠茲訓可

左正言徐處仁可除給事中制

勅給事殿中典司論駁職親且要選授匪輕具官某業  
履清優氣節強毅比自憲屬延置諫垣造膝獻言灼見  
忠憲不次之擢寢自朕心具節東臺超陞夕拜徃祇乃  
服無怠建明可

宣德郎守監察御史沈畸可殿中侍御史制

勅具官某殿內御史以糾正官邪為職凡在廷之臣與

夫羣有司違法慢令罪當按劾者皆得論列其任可謂重矣以爾操修端潔問學貫通比緣簡知擢置臺察振肅綱紀風望甚高處以副端毅自朕志爾尚思職守之宜抗論以公毋或枉撓是為報稱可不勉歟可

宣德郎新除守左正言沈畸可侍御史制

勑具官某朕慎擇臺端叅掌風憲紀綱所繫得人為難以爾問學純明氣節剛勁擢在言路忠讜日聞宜自諫垣延置橫搃朕方綜覈名實緝熙治功尚懋爾猷以副

寵命可

宣德郎辟廡博士陳禾可監察御史制

勅具官某御史六察之臣分糾官邪紀綱所繫選用之際必惟其人以爾質直端良遂于經術燕朝賜對敷納詳明是用命爾往踐厥次惟既乃心察有司之不虔以聞于朝副朕綜覈名實之意是為稱職爾其勉哉可

宣德郎新差權開封府祥符縣韓筠可監察御

史制

勅具官某朕綜覈名實考較在服而御史六察以分按  
有司為職非得其人夫豈輕授惟爾學術行義達于朕  
聞肆加褒揚俾踐厥次爾尚克既乃心糾正官邪以副  
朕訓迪之意朕將釐爾之成可不勉哉可

朝請大夫朱維朝散大夫行大理正王毅並可

刑部郎中制

勅具官某朕明慎用刑教民祇德故刑官之選不以輕  
授爾等講聞憲令練達事為茲用寵嘉擢置郎省爾其

體朕欽恤之意使情法兩得下無侵寃時乃稱職尚勉之哉可

朝散郎新除司勲員外郎郭權可尚書司勲郎

中制

勅具官某自都官遷勲府職任為清以員外陞郎中品秩加峻朕之待爾亦已厚矣其益勵勉以稱所擢可

吏部員外郎宋聖寵可右司員外郎制

勅具官某朕惟尚書政本無所不總而左右司分贊省

輶循名考實其選甚高以爾服采銓曹休有譽處用加  
褒擢俾踐厥官尚既乃心副茲明陟可

宣德郎尚書庫部員外郎趙霆可工部員外郎  
制

勅具官某起部掌營造繕葺之衆務為郎子茲蓋以材  
選爾以夏官之屬引嫌自陳宜錫命書易踐厥次往加  
勵勉稱朕意焉可

都官員外郎郭權可司勲員外郎制

勅具官某司勲掌羣吏之勲級凡有勞列于朝者委之  
論定資秩清優選授惟德以爾久服事任能譽可嘉是  
用擢自都官俾踐厥次尚思敏于稱職朕將考爾之成  
可

朝奉郎戶部員外郎黃德裕可戶部郎中制

勅具官某朕循先帝之法視郎吏資任而進之令有司  
考爾閱閱法當甄陞其即本曹叙位厥正往加勵勉以  
稱茂恩可

宣德郎新差權發遣提舉兩浙西路學事路權  
可禮部員外郎制

勅具官某朕惟禮樂學校之政令總于春官為郎于茲  
考擇尤甚以爾經術行誼夙有譽言宜錫命書擢踐厥  
次往加勵勉務稱所蒙可

江西提刑何宗範可戶部員外郎制

勅具官某文昌六曹民部為劇郎選之重必惟材能汝  
比膺選擈往分使指率職有譽達于予聞惟茲望郎宜

以命汝尚其勉勵克稱寵休可

朝散郎尚書虞部員外郎蔡承可除主客員外

郎制

勅具官某惟爾服職省部閑歲既多其自司虞易茲典  
客凡諸蕃朝貢之事命爾總之宜務欽承毋或怠忽可

朝奉郎都隨可都官員外郎宣德郎王澤可膳

部員外郎宣德郎趙霆可庫部員外郎宣德郎

李康彥可職方員外郎制

勅具官某等中臺諸司職總內外遴選郎吏必求端良  
爾等咸以望實之優達于朕聽賜對清燕敷奏可嘉較  
自朕心擢踐厥次惟爾克勤無怠協濟事功時乃稱秩  
尚加勉哉可

朝奉郎陸偕可比部員外郎制

勅具官某中臺諸郎司計為劇其職周知內外經費而  
審覆之非材術敏明未易稱此惟爾學識行治達于朕  
聞賜對燕朝敷納可尚用加褒擢俾踐厥官爾其夙夜

究心虔共毋怠副朕綜覈名實之誠將釐爾成嗣有明  
陟可

宣德郎新除少府監丞李熙明可司封員外郎  
制

勅具官某中臺諸郎考擇攸慎而司封掌邦之封爵時  
謂清曹必惟畯良乃允公論爾以材譽達于予聞賜對  
燕朝敷納有序宜服名命擢踐厥官往其欽承勉思所  
稱可

朝奉郎黃德裕可戶部郎官管勾右曹制

勅具官某民部右曹所總為劇郎吏之選朝廷遴焉惟爾舊服事勞嘗擢華省以喪去位終制還朝宜錫命書俾踐厥次往承無斁務稱恩榮可

承務郎前知婺州沈錫可吏部郎官制

勅具官某中臺六官職總內外考厥官屬必求畯良惟爾材術之優嘗擢銓部宜還故職申錫命書往務欽承副予甄獎可

承議郎著作佐郎陳噩可司勲郎官制

勅具官某中臺六官職總內外考厥官屬必求畯良惟爾學識之優擢于東觀宜膺郎選處以名曹往務欽承副予甄獎可

朝奉郎成都府路提舉常平王谷可戶部郎官  
制

勅具官某中臺六官職總內外考厥官屬必求畯良惟爾出分使軺能譽可尚宜膺郎選佐劇民曹往務欽承

副予甄獎可

承事郎守光祿寺丞張邦憲可宣義郎光祿寺

丞制

勅具官某爾父嘗與修書例有褒賞以恩回授朕所嘉  
從進爾一官俾仍舊職無忘忠孝廼副寵榮可

通直郎編具興復所點檢官徐閔中可衛尉寺

丞制

勅具官某九寺置丞皆以能選惟爾靜而務敏宜踐厥

官其服命書往贊司衛尚加勵勉務稱所蒙可

承事郎邢京可司農寺丞制

勅具官某令予命爾往丞司農凡倉儲委積之政令爾實佐之其加勉哉可

承議郎吳翬可大理寺丞管江右治獄制

勅具官某九寺之屬雖職任劇易不同皆朝廷養材以備異時之用令予命爾往丞大理典治犴獄其勉之哉可

承議郎郭瑗可大理寺丞制

勅具官某諸寺置丞皆贊寺事而理官之屬職任為劇  
惟爾練達吏才宜膺茲選欽承予命益懋厥修可

承議郎試殿中監鄭父中可朝奉郎依前試殿

中監制

勅考績之政計其歲月稽其功緒而後進之雖吾邇臣  
亦率是法具官某學識純正才猷敏明揚歷清華望實  
休顯有司會課茲惟典常宜進文階錫以明命往祇乃

服務稱恩榮可

給事中鄭久中可殿中監制

勅朕追述先猷建中御府總六尚之政令職任親近必資端良具官某業履靖共學識純粹夙以望實揚歷要塗掌誥西垣詞知體要進陞瑣闈居多建明惟矚省汝昔嘗為之貳矣考慎厥長莫知汝宜往究乃心副朕循名責實之意尚加勉哉可

宣德郎守尚書司封員外郎王孝迪可殿中少

監制

勅具官某朕建中御府總六尚之政令而少監為之貳  
為官擇人任屬尤慎以爾學術行誼夙有令名聯職麟  
臺進備郎選靖共蘊藉朕心所嘉用錫命書擢踐厥次  
往思報稱尚加勉旃可

右正言盧航除殿中少監制

勅具官某置監殿中總六尚之政令掌予御服任屬匪  
輕惟爾學術行能夙有聞望回翔言路宣力為多宜服

命書往貳厥事尚加勉勵以稱寵榮可

起居郎劉炳可殿中少監制

勅具官某置監殿中掌予服御職任親密品秩優隆以爾學術文詞夙著時望操修端潔論議有餘宜自螭坳往貳厥事體予眷任其懋承之可

朝請大夫都水使者梁子野可左中散大夫行  
都水使者制

勅具官某名器之貴以示等威慶賞之優以觀勞列比

緣新壘畢工寵進汝秩雖官有常格弗以序遷朕方褒  
善錄勤非汝何遠往服新命圖稱所蒙可

朝奉郎吳鎮可朝散郎制

勅具官某新壘告成稽其功次汝以外臺屬官嘗預供  
億進官一等其往欽承可

進士李公衍可將仕郎制

勅具官某官省之臣出領使事惟爾謹恪往從其行併  
陳典御之恩乞以回授錫茲命秩其克欽承可

通直郎富紹榮可奉議郎制

勅具官某朕建外宗正于別都其財用供億嘗命有司掌之令復茲廢官以汝舊膺推擇擢進品階俾踐厥次往服恩命尚其勉哉可

將仕郎充詳定一司勅令所刪定官邢倚將仕郎充詳定一司勅令所刪定官曾詢並可宣德郎差遣如故制

勅具官某等士之選于吏部者朕必引見于廷親閱其

行治勞列而後命之令朕就進爾秩俾仍舊服朕之待爾非常調比往其欽承勉思所稱可

太史局保章正呂琦可太史局靈臺郎制

勅具官某爾父推測有勞宜膺賞典許以回授序進厥官往服寵恩無替厥藝可

文林郎新羌州州學教授柯棐可辟廩錄制

勅具官某爾名在甲科學行有譽比膺朕命掌教類林進直辟廩益爾選擢往踐厥次尚加勉哉可

西寧州教授欽州進士黃庭瞻可將仕郎樞密院關黃庭瞻吏部供到今年七月內奉聖旨西寧州蕃學措置就緒其蕃族子弟甚有能書漢字通誦孝經漸習論語皆知嚮方慕義化革擴俗所有蕃學教授黃庭瞻與假將仕郎以為訓誘不倦之勸本部取家狀未到未曾給付身奉聖旨黃庭瞻特與將仕郎仍疾速出給付身制勅具官某朕建蕃學于西寧既克就緒爾以進士預講

授之選訓誘為勤令蕃族子弟能通書文誦習儒典嚮  
方慕義俗由化革雖朝廷聲教所暨爾預有勞宜錫官榮  
昭示勸獎欽承恩命尚其勉哉可

通仕郎充詳定一司勅令所刪定官元時敏可  
特授宣德郎差遣如故制

勅具官某朕設局命官刊定有司之政令爾率職于此  
亦既閱時近臣建言并舉近例進爾祿秩往其欽承可

宣義郎陳效可御史臺主簿制

勅具官某憲府肅正朝綱肆于簿領之臣考擇惟賢以

爾材實之美宜踐厥官錫茲命書往承無斁可

承務郎梁揚祖可國子監主簿制

勅具官某簿領之官以勾檢稽失為職凡材質可尚而  
未試于用者朕于此養成之今命爾于國子往其懋哉  
可

朝散大夫徐申奉議郎宋或可並大晟府樂令

宣德郎李邁將仕郎吳叔賢可並大晟府協律

郎制

勅具官某等朕復大晟府名禮樂異職各迪有功以追治古之盛爾等咸以通于聲文擢踐厥屬欽承無怠嗣有寵嘉可

皇叔博州防禦使仲并可特授府州管內觀察使制

勅朕永懷孝思念茲祖考推原所自褒顯近親宜惟示敦睦之恩亦以彰忠厚之化具官某列于屬籍夙奉內

朝恪謹有常祇循憲度宜賜金書之寵進陞廉察之崇  
尚體眷勑克綏祉福可

衛州防禦使仲議可蔡州觀察使制

勅具官某爾母遺言祈恩子姓朕所矜允已詔有司而  
爾服喪于家既克終制宜加申命擢進厥官廉察大邦  
名秩滋顯務先恪謹迺稱寵休可

皇姪右驍衛將軍有恭可正任觀察使制

勅朕永念神考孝慈靡忘推恩天倫逮其子姓具官某

性守淳懿謹恪夙成宜膺寵章擢進厥位大邦廉察名  
秩寢隆服茲命書克綏壽祉可

宣政使金州觀察使李某可宣慶使依前金州  
觀察使制

勅朕褒勵庶工協濟萬務凡以勞列聞于朕者雖在疏  
逖賞不淹時矧官省近臣克有勤績耳目所及其可弭  
忘具官某賦材敏明迪已莊慎業履之美朕所眷知曩  
資其能總按戎器製作犀利工用不愆宜錫恩章昭示

嘉獎宣慶置使品峻秩隆往其欽承勿替忠恪可

延福宮使福州觀察使梁從政可觀察留後依

前延福宮使制

勅朕奉先追往孝思靡忘迺眷先帝之臣逮事潛邸寵  
陞位秩示不弭忘具官某稟資慈祥檢身勤毖踐揚事  
任積有譽言茲修謁欵之儀欲伸懷舊之感擢總留務  
錫以命書其益體于眷知克永綏于祉福可

觀察使馮世寧可節度觀察留後制

御批馮世寧已歷省試八年有餘檢身靖共端潔清廉  
左右恪勤公忠有補兼係哲宗朝攀附之臣宜加恩獎  
特與除節度觀察留後

敕兩使隆名兼總留務秩優品峻授受匪輕具官某趣  
尚靖共持守憲密公忠有補勤恪不渝攀附先朝克彰  
譽履服職內省八年于茲端潔清廉久而益勵用加獎  
擢以示寵榮往承朕恩無俟多訓可

皇叔黔州觀察使知西京外宗正事仲忽可觀

察留後制

勅具官某任職之臣凡以勞列聞於朕者雖在疏逖  
賞不淹時矧邦族之親恩紀宜厚乎爾於屬為尊朕  
所眷遇比建外宗正於洛師命爾總之既克就緒宗  
子近善罔不肅戢雖朝廷教養之備爾預有勞宜錫  
恩章特蠲常格擢陞留後以示褒崇往服命書勿替  
恪恭可

福州管內觀察使鄭紳可除安德節度觀察

留後制

勅朕膺祐於天宮聞嗣慶推恩外屬茲有典常具官  
某仁厚溫恭世載令德是生內輔位冠四妃宜因莞  
寢之祥申錫命書之寵兩使留務品峻秩隆為擇大  
邦併示優獎往其欽佩益介繁祉可

明州觀察使陳永成可節度觀察留後  
制

勅朕富有萬邦親養靡遠邇眷舅氏如母之存申錫

命書以示褒寵具官某宅心端靜毓德粹和欽慈之兄朕所優禮渭陽之感夙夜不忘宜益峻於恩章俾進陞於留務往其欽佩宣假訓言可

權發遣河北路轉運副使王博聞可轉一官

陞充轉運使制

勅具官某惟爾材力之優奉使朔部供億新壘役不愆期考諸事功又加辦集將命若此朕心所嘉宜正使名仍遷位秩併推恩典以示眷懷往其欽承無替

爾守可

朝散郎河北轉運副使康位可集賢殿修撰

河北轉運使制

勅具官某河北被邊帶河將漕於茲任屬攸重惟爾  
自膺臨遣勤恪不渝職業交修達於朕聽宜加寵命  
擢進使名仍陞書殿之華益峻外臺之寄往思所稱  
尚觀爾能可

左朝議大夫提舉西京崇福宮宋喬年可依前

京畿轉運使制

勅具官某京畿將漕之臣權任視他路為重朕於用人  
考擇攸慎以爾性資純明材力強濟曩膺臨遣風望甚  
優宜解琳宮俾還舊服體茲申命無替前勞可

熙河蘭湟路計度轉運使降授朝請郎充集賢  
殿修撰洪中孚可顯謨閣待制本路都轉運使  
制

勅西清次對資望高華選惟賢能夫豈輕授具官某夙

以材術揚歷外臺敏於赴功往克稱職比因奏計灼見  
恪勤蔽自朕心擢參從橐仍遷都漕俾峻使權其體眷  
知愈加懋勉可

戶部員外郎吳擇仁可發運使制

勅具官某發運置使會東轉輸以助經費其任可謂重  
矣惟爾出按邊郡入踐民曹宜知邦國調度之詳是用  
選於在庭擢總六路爾其夙夜究心圖以効實稱予寵  
命尚加勉哉可

刑部侍郎曾孝謹可顯謨閣待制發運使制

勅具官某夙膺選掄寔更要劇貳予憲部亦既閱時惟六部轉輸爾嘗總領其加申命寵以使權次對西清時惟舊職往圖効實尚肩乃心可

朝散郎淮南運副張勵可兩浙運副制

勅具官某吳越俗阜事繁朕思得良使者往率列城究宣恩施惟爾比膺臨遣將漕淮墉刺舉之能見於已試易茲劇部朕所選掄尚其懋承母或怠忽以稱朕命可



欽定四庫全書

摘文堂集卷五

宋 慕容彥逢 撰

制

龍圖閣學士左中散大夫新差知太原府陶節  
夫可知江寧府制

勅一路會府總轄庶邦任兼兵民必擇資望具官某易  
帥全晉既錫命書賜茲建康望冠左右與予共治汝往  
惟宜朕職西清實長卿部往懋治行以稱寵榮可

左朝議大夫直龍圖閣權發遣慶州錢昂可權

發遣延安府制

勅具官某高奴右地控制羌戎師帥之臣考擇尤慎惟爾材資開爽風力精彊擢守慶陽聲績兼茂就更閫寄益賴壯猷往圖膚公以稱朕命可

龍圖閣直學士知太原府鍾傳可知延安府制勅朕推擇時才付以戎閫撫循經制委任匪輕具官某夙膺超除揚歷方面聲績之茂朕維汝嘉延安大邦控

制西鄙謀帥尤慎僉曰汝宜往勵壯猷以稱朕命可

新知青州胡宗回可知開德府制

勅澶淵重鎮初錫府名師帥之臣考擇尤慎具官某器  
識恢闊踐歷邊要命守青社詔墨尚新揣材之宜易茲  
北輔往宣恩施以輔士民祇服訓言愈加勉勵可

兵部侍郎王漢之可顯謨閣直學士知成都府

制

勅坤維大邦外控蠻徼師帥之重輒予侍臣具官某夙

以選掄揚歷要路召貳兵部亦既閱時宜直禁塗往紓  
華緩無謂蜀遠務悉乃心綏寧厥民尚觀報政可

朝散大夫試尚書戶部侍郎徐彥孚可顯謨閣

直學士知太原府制

勅朕輟中臺貳卿出領方面兵民所寄眷任匪輕具官  
某夙以才猷揚歷華要比還民部亦既閱時迺賤全晉  
之雄為國屏翰總護諸將務壯中權選於在廷爾往惟  
先仍陞禁直式遄其行尚懋爾忠勿替朕命可

龍圖閣學士知延安府陶節夫可知太原府制

勅朕輟中臺貳卿出領方面兵民所寄眷任匪輕具官  
某夙膺褒除揚歷事任出殿西鄙閭日既多全晉之雄  
為國屏翰布宣威德往維汝諧其遠乃猷以稱朕命可

工部尚書兼侍讀錢適可樞密直學士知潁昌

府制

勅朕輟華近之臣付以蕃宣之任中外雖異待遇維均  
具官某曩自中司長予起部進陪經幄亦既閱時潁川

大邦自昔優寄其以樞直往臨彼民朕修先帝遺意制作法度布之四方惟悉心推行俾德澤下究於民迺有譽處汝其勉哉可

劉仲武特轉四方館使遙郡刺史升權本路鈐轄潘逢特轉東上閭門使依舊遙郡刺史制

勅具官某等朕丕承先志疆理西陲慎擇忠勇之臣分總師旅以備討擊爾等乘機決戰挫賊銳鋒斬馘既多羣醜奔潰捷奏將上朕用嘉之爰次厥功第加褒擢益

思奮勵嗣有寵休可

入內皇城使忠州刺史任珪可還郡團練使入

內皇城使梁昭慶可遙郡刺史制

勅具官某等朕賴帝錫美弓韜告祥祇奉之臣宜均慶澤爾等稟資謹恪蒞職專勤錄其事勞與茲恩命或進陞於使秩或兼領於郡符祇服邦榮益思報稱可

入內洛苑使某人可化州刺史依舊洛苑使制  
勅具官某朕操慶賞之柄以褒勵庶臣稽其事勞未嘗

輕授惟爾服在禁省久著恪勤累膺選擇往使邊圉條奏利害悉有建明宜錫恩章俾領郡級體茲優獎無怠欽承可

青貴裕勒葉與皇城使遙郡刺史制

勅具官某惟爾驍勇之勤著於族部奮身效順朕心所嘉正使隆名加以郡級錫茲恩典以示褒榮往其欽承勿忘報稱可

皇姪右武衛大將軍有常可依前右武衛大將

軍遙郡刺史制

勅具官某朕追懷天倫推恩子姪惟爾生而粹美性質可嘉宜膺寵章擢陞品秩其自環衛遙領郡符往服命書益綏祉福可

兩朝佑聖太夫人姪和州防禦使張維周可觀  
察使西上閭門使張維國可遙郡刺史制

勅具官某等宅心仁厚毓德粹和服寵益莊休有譽處宜陞位秩併示褒崇或自禦侮而陞庶車或以華問而

紓郡綏兄弟聯進同錫命書是為顯榮往其欽佩可

皇城使張大中可遙郡刺史制

勅具官某惟爾率職邊陲克著勞列逮茲閱試宜有褒  
嘉郡綏之華俾爾兼領服茲茂渥尚加勉旃可

西京左藏庫使張得臣可文思使遙郡刺史制

勅具官某爵祿等差時乃公器校功第賞惟以勸能爾  
項由選倫往蒞戎械工用不爽宣力為多宜錫恩章以  
示甄獎擢陞厥位仍領郡符其克欽承益思報稱可

左歲庫副使魯瓊可文思使遙郡刺史制

勅具官某惟爾英祖舊臣逮事潛邸茲因謁欵有惻朕  
心用錫恩章擢進爾位往其欽佩務保寵榮可

青貴倫正結轉遙郡刺史制

勅具官某惟爾事上忠精臨敵驍勇勲績之茂朕心所  
嘉宜錫恩章寵以郡綏往其祇服朕不弭忘可

皇城使全惟幾可遙郡刺史制

勅具官某陵臺置使所繫匪輕逮其終更法有襄費用

遷位等以懋爾勞往服恩章益思報稱可

崇儀使提舉河東路保甲兼提點刑獄何權可

遙郡刺史制

勅具官某朕眷遇武列擢領郡章資望之優所蒞增重  
惟爾夙以推擇久服事勞奉使晉郊肇膺臨遣錫茲恩  
命昭示寵嘉體予異恩勉思報稱可

西京左藏庫使新差高陽關路走馬承受公事

鄭子奇可遙郡刺史制

勅具官某惟爾奉事潛邸勤毖可稱朕不弭忘錫茲寵  
命往加勵勉以稱恩榮可

右監門衛大將軍士雋可依前右監門衛大將  
軍資州刺史制

勅某朕嘉宗室能以惇睦保其富貴宗正上應遷者吾  
每有以褒寵之今茲爾由門衛之列陞總郡符班著增  
峻而稍廩有加非虛名也往欽厥旨無替前修可

皇弟右監門衛大將軍叔董可依前大將軍蘭

州刺史制

勅某持節以護方州列第四奉朝請可謂榮貴矣以爾久參環衛修飭有聞膺此寵遷無替厥服可

皇城使帶御器械凌文聃可依前皇城使康州

刺史差遣如故制

勅具官某爾擢自神考從軍遠方克懋忠勤綽有實効錄其歲閏爰錫寵章刺舉隆名選授維慎今以命爾往欽念哉可

左藏庫副使劉承緒可禮賓使充嘉州刺史制  
勅某爾以肺腑之親參侍帷幄稽勞閑歲宜有褒遷矧  
建安先帝同氣宗女之貴今莫盛焉顧厥夫家宜均慶  
澤正朕內使遙綰州符是曰異恩其思報稱可

皇城使鄜延路都監耿端彥特除遙郡刺史制  
勅具官某羌首內附爾有顯勞效職若茲惟朕以憚特  
加褒進遙刺郡城祇服命書益思忠報可

王端復集賢殿修撰差知廣州制

勅具官某朕賴天鑒臨中外康靖嘉與臣庶道迎休祥爰因改元之初特施作解之澤惟爾曩擢帥閫朕職從班坐廢閑時更茲恩宥宜加甄叙錫以左符番禺大邦作屏南土參華書殿以寵其行尚克懋承無忘報稱可

故朝奉郎直龍圖閣游師雄可特贈集賢殿修撰制

勅具官某守正之臣國是允賴雖其渝謝朕不弭忘以爾元祐之初抗論邊事力沮棄地之議獨全享上之忠

乃至生獲大酋威震強敵權臣排抑賞不酬勞書殿華資特推贈典仍官一子俾世厥家尚其有知服我休寵可

淮南江浙發運使劉何可集賢殿修撰差遣依舊制

勅具官某中外任職之臣凡以勞列聞於朕者必序其勤而賞之故悅於見知人用胥勸惟爾將漕六路趣辦不愆奏計燕朝歲額增羨宜陞華於書殿俾益峻於使

權往服恩章愈加勵勉可

朝散郎河東經畧司管勾機宜文字李成允可

陝西轉運判官制

勅具官某諸部要劇莫如陝郊將漕之臣臨遣尤慎惟爾嘗從戎幕詳練事為寵以使軺宜克稱職往加勵勉尚觀爾能可

宣德郎新除大理寺主簿王萬可京畿轉運判

官填創置闕制

勅具官某京輔轉輸視他路為劇比降詔旨增遣使輶  
俾貳厥事爾以推擇預茲新命豈不榮哉往悉乃心務  
底功實千里非遠民言日聞朕得以考焉可

新湖北路轉運判官劉損可江東路轉運判官  
相度湖南北路採木初寢可湖北路轉運判官  
制

勅具官某等朕以良法美意加惠四方推行未淹已著  
成效部使者惟克遵奉察吏之虔時乃稱職汝材力有

餘久更事任選於在列往佐外臺汝其思朕所以臨遣  
之意毋以便文僥倖朕將觀汝之能而以寵榮加焉汝  
其勉哉可

戶部員外郎周紳可淮南轉運判官制

勅具官某朕緝熙法度布之四方部使者唯達於朝廷  
思意志慮乃克稱職爾比以材選為郎劇曹長淮之南  
往分使指爾其遵奉詔令察吏之不虔俾惠澤下究以  
副朕命尚其勉哉可

通判乾寧軍晏幾道可開封府推官制

勅具官某開封府浩穰任兼三輔往佐府事必惟材能  
以爾更練事為積有聞譽選於在列俾踐厥官毋忘恪  
恭以仰明陟可

朝請郎刑曹叅軍潘迥可開封府右司錄承議  
郎開封府叅軍王叔堪可士曹叅軍宣德郎開  
封府叅軍張仲綱可兵曹叅軍朝奉郎開封府  
叅軍張摠可工曹叅軍制

勅具官某等開封典治京師事任為劇比復舊制備建屬官而爾等咸以薦揚達於朕聽往踐厥次務底功實稱朕意焉可

制

潘羅溪除忠州刺史充湟州管界蕃部都巡檢

勅具官某爾天資武勇雄於邈川效欵元符嘗加命秩中遭棄外識節不此國而忘家茲復來附宜優獎擢以勵遠臣領刺名邦俾察蕃部無忘忠報嗣有寵嘉可

錫伯中族大首領隆獸補皇城副使帶本族巡  
檢錫伯上族大首領嘉勒幹補皇城副使帶本族  
巡檢錫默族大首領倫珠卜補左藏庫副使帶  
本族巡檢制

勅具官某某等爾等驍勇之資雄於種族輸忠內附志  
節可嘉宜錫官榮兼領巡邏往圖報稱嗣有恩章可

崇儀使何灌可就差提舉河東路保甲兼提點

刑獄制

勅具官某爾進由武列材美可嘉賜對燕朝敷納有序  
河東要郡擢領使華授予民兵兼糾庶獄資其宣力事  
任匪輕往懋乃功以稱推擇可

崇儀使威州刺史提舉河東路保甲兼提點刑  
獄何灌可除西上閣門使依舊遙郡刺史差高  
陽關路兵馬鈐轄兼知滄州制

勅具官某朕惟名器之重不以假人凡爵祿之馭羣臣  
必計其歲月攷其功緒然後授之耳比分使指於其陛

辭之初寵以郡章贊書方下又擢守景城陞華上閣旬  
日間三錫恩命朕之待爾豈羣臣比哉爾其夙夜激厲  
圖以効實稱朕不次之舉可

朝請郎同管勾成都府等路茶事兼提舉陝西  
等路買馬公事龐寅孫可依前官除直祕閣差  
遣依舊制

勅具官某爾以材力之優往按茶事收息饒羨勞列可  
嘉芸閣寵名選授惟慎增華使指為爾之榮往其欽承

益圖効實可

翰林書藝局藝學李倚可翰林書藝局直長充  
待詔制

勅具官某惟爾服勤藝學以甄陞叙遷資示恩其加勵  
勉可

翰林書藝局藝學吳端可翰林書藝局磁紙待  
詔制

勅具官某九鼎告成當推慶賞與茲恩典於爾為榮執

技翰林無替勤恪可

祇候孟懷乂轉貓邊花待詔制

勅具官某餼稟稱事以勸百工汝執技尚方服榮靡懈宜加叙進為汝寵榮往承新恩益勵後效可

從事郎新除太學博士郭敦實可依前試辟雍  
博士制

勅具官某朕親御翰墨刊定學制付之有司以教養多士爾於此以問學行義預辟雍之選豈不榮哉往踐厥

官朕將考汝之成而進寵之可不勉與可

從事郎權辟廩正陳詢可辟廩博士制

勅具官某爾經術行能夙著聞譽曩膺考擇掌教類林  
行法究心克有成效終更還闕權職辟廩論議純明多  
士推崇博士之選爾往為宜其遠乃猷尚多後祉可

將仕郎試辟廩錄陳汝錫可辟廩博士制

勅具官某博士以經術訓迪多士蓋周官師儒之選也  
惟爾服在學校休有譽言宜膺命書進踐厥次往加勵

勑稱朕意焉可

儒林郎裴宗元可醫學博士制

勅具官某朕因能任使各當其宜訓醫之官肆以命爾  
往加懋勉務稱恩章可

尚醞奉御馮澤可改差充尚食奉御制

勅具官某六尚奉御之臣職任親近選於左服必求端  
良惟爾敏濟恪勤見於已試掌予膳品宜稱厥官往其  
欽承以佇褒陟可

延福宮使奉國軍節度觀察留後郝隨可依舊  
知入內內侍省事制

勅朕於左右近臣任無重輕必惟審擇矧禁省之長冠  
於內司典領至隆擢授宜遴具官某材資敏濟心術疏  
通陳力宫廷積有勞勸朕用眷錄召復舊班惟三代盛  
時侍御之選罔非正人出入起居資其承弼今朕命爾  
總護厥官期紹前修無俾專美可

入內內侍省皇城副使吳德仁可依前入內內

侍省皇城副使充殿中省尚舍奉御制

勅具官某六尚奉御事任親密必擇勤恪敏給之臣今  
予命汝往踐厥次凡幄席供張汝其掌之宜悉乃心以  
稱朕意可

中書省額外守闕主事魏伯誠可西頭供奉官  
出職制

勅具官某爾祇事省垣閱歲云久錫以命秩俾服官常  
是為寵恩往承無怠可

西頭供奉官錢景振可依前西頭供奉官閣門

祇候制

勅具官某祇奉上閣武列為華惟爾舊膺選掄追今十  
稔宜加兼職進服事勞往務欽承勉圖效實可

左班殿直黃誓可依前官兼閣門祇候制

勅具官某上閣祇奉實贊朝儀惟爾擢自右銓預茲榮  
選往思所稱無替恪勤可

西頭供奉官夏大中可特授宣德郎制

勅具官某爾惟務學不懈達於朕聞召試西垣辭理可  
採宜膺名命優易文階往服茂恩務先忠恪可

通仕郎撰厯所叅議官謝中美可宣德郎制

勅具官某汝進由經術典教頽林而博綜多聞明於象  
數刊定厯紀閱歲有勞薦章以聞并舉近例命汝祿秩  
往惟欽哉可

右侍禁徐位可特授西頭供奉官大將杜觀可  
特授三班奉職制

勅具官某等姦民犯法罪孽必誅爾等告捕有勞宜加賞激往服恩命無替忠勤可

故三班奉職梁權兄冕可三班奉職制

勅具官某惟汝天倫死於金草宜推恩典優卹厥家用錫官鈐汝其祇服可

開封府職級李湍可奉職開封府額內守閼府  
典事于士明可借職制

勅具官某等軍器建局爾與有勞錫茲官榮往其祇服

可

三班借職孫宋可三班奉職制

勅具官某爾諳練獄事推鞫有勞擢進一官以示嘉獎  
欽予時命尚加勉旃可

故如京副使石福男堅可三班奉職姪男珪保  
姪孫成可並特授三班借職制

勅具官某死事之臣朕所閔惻肆推恩典以卹其家命  
爾官榮往思報稱可

將仕郎侯叔可左班殿直制

勅具官某爾捕獲強寇功次可嘉擢寘武班時乃懋賞  
往祇乃服以稱朕恩可

都水監署押官李士定可右班殿直制

勅具官某爾以年勞應格朕又錄其祇奉之勤併錫恩  
典擢茲命秩其往欽承可

奉職楊逢原可右班殿直制

勅具官某爾父率職不懈以勞當遷乞移恩章屬於子

姪進官一等爾其欽承可

將仕郎趙達可特授左班殿直制

勅具官某爾獲强寇勞烈可嘉易進武階昭示甄獎往  
加恪慎以稱茂恩可

招箭班姚永寧可補右班殿直制

勅具官某爾服事勤勞宜有甄錄其蠲夫籍進序官牒  
往務廉勤以需選擢可

辰州溆浦縣百姓黃順特與右班殿直制

勅某蠢彼山猺既克討蕩執訊獲醜汝預有勞帥臣以聞宜加獎激寵汝命秩往其欽承可

涇州廣銳第三十一指揮都虞候李吉秦鳳路  
缺補廣銳都虞候齊貴可並特授左侍禁制  
勅具官某爾久服戎行積有勞勳帥司條奏宜易前班  
命爾官榮往其懋焉可

王材因殺逆賊王闢郭希賊馬立功授進義校

尉制

勅爾頃以捕賊有功應賞申錫書命祇服官榮可

左班殿直侯舜賢可右侍禁制

勅具官某官閨進對厥有恩數乞遷爾秩朕豈不從錫  
茲命書往維欽服可

三班奉職韓武可右侍禁制

勅具官某死事之孤朕所閔恤肆推優典超進厥官往  
其欽承無忘忠孝可

左班殿直張琰可右侍禁制

勅具官某朕既寶藏宸集推賞使臣爾奉行文書亦有  
勞勸進官一等往其欽承可

齊勒巴族東頭供奉官本族巡檢阿瓊男倫布  
與右班殿直制

勅具官某男爾父奮武戎行委身徇國有司具奏悼念  
不忘錄爾以官往惟祗服可

畫學錄張晞顏可將仕郎依前畫學錄御批進  
過花果三十品筆法頗有可取制

勅具官某惟汝巧於丹青筆法可取宜加甄獎用錫官  
榮往承朕恩益精厥藝可

內殿崇班張永年可特授內殿承制制

勅具官某爾殺獲畝醜勞効可稱宜錫恩章以示嘉獎  
進官一等往其欽承可

故秦國夫人林氏孫閭門祇候李克忠可內殿  
承制制

勅某仕緣恩闕籍在禁闈予哀保母之終且有緒孫之

託宜進承於殿制益視峻於朝朕當務欽修思荷褒寵可

右班殿直梁誼可依前右班殿直閣門祇候制  
勅具官某朕念爾父被遇先朝服勤邊陲聲績兼茂宜  
推恩典寵錄其孤聯職閣門選授攸慎今以命爾雖以  
勸忠往務欽承無替厥紹可

右班殿直閣門看班祇候同提點承受張士文  
可閣門祇候制

勅具官某惟爾事朕潛宮謹恪可尚宜加甄獎示不弭  
忘往服命書益思所稱可

借職閣門祇候鄭綬鄭絳可並右班借職依前  
閣門祇候制

勅具官某等朕仰膺帝祉克享寢告祥推恩外家茲有彝  
制爾等列於戚屬勤毖可嘉宜服命書序陞品秩往其  
欽佩務稱寵榮可

內殿承制郝琳御批故殿前都指揮使郝質孫

男琳為係勲臣之後可特與閣門祇候制

勅具官某惟乃祖昔侍殿陛為國勲臣肆加表揚錄其世類祇事上閣汝往欽哉可

右侍禁劉閔可閣門祇候制

勅具官某爾右選小臣而姓名達於朕聽擢巡邊徼寵以職名於爾之所遇可謂榮矣毋替忠勤尚多後祉可

西頭供奉官焦大祐可除閣門祇候制

勅具官某朕永懷欽慈眷優外屬爾其陳出宜與恩章

宸閣華資選授惟慎今以命爾其懋承之可

左班殿直閣門看班祇候劉敏可依前官閣門

祇候制

勅具官某惟爾執事班宸閣勤毖不愆宜錫寵章擢進厥序仍蠲常直以示褒優體予異恩勿忘報稱可

東頭供奉官汪慈明可閣門祇候令再任制

勅具官某爾執勤疆場久著勞能論薦文章達於朕聽宜加獎擢率勵遠臣錫以榮名寵之舊服往承新命無

替厥忠可

閣門看班祇候夏大中曹晞賈訢潘臨任尚賢  
吉希孟可各轉一官並罷閣門看班祇候制  
勅具官某等閣門員多慢於祇事汝宜罷遣尚進厥官  
往服命書勉圖自效可

轄木沁扎實錫喇卜策進奉人大首領都軍主  
奔巴凌阿袞轉軍都指揮使小首領三人節幹  
存溫伯奇軍主制

勅具官某等爾等奉其方物來貢闕廷載考乃成宜有褒賞特加遷叙往惟欽承可

楊歲男進果與補右侍禁進穩與補三班奉職制

勅具官某男某等爾父納地效順既服寵於朝又獻山林之材以祈恩於子朕念其誠恪享上嘉從其言錫爾官榮往祇惟服可

虎翼左第二軍都指揮使德州刺史楊吉可除

左領軍衛將軍致仕制

勅具官某爾執勤公家積有勞列以年歸老宜錫恩章  
環衛隆名昭示褒寵往錫壽祉克享厥榮可

四方館使康州防禦使荆湖北路兵馬鈐轄黃  
忱可引進使依舊遙郡防禦使致仕制

勅具官某爾効順熙寧累著勞績今其告老宜有褒優  
禦侮隆名寵之舊秩仍遷使額以榮其歸體予異恩往  
綏福祉可

欽定四庫全書

搞文堂集卷六

宋 慕容彥逢 撰

制

西蕃大首領皇城使某與轉遙郡團練使制  
勅具官某爾奉其方貢來造闕廷載考所有克效誠欵  
名使團結品秩優隆錫茲寵嘉庸示獎激無忘忠報以  
稱恩章可

故左藏庫使趙從義可贈皇城使惠州刺史充

本州團練使制

勅設館以待四方之臣置使董之品峻地親朕不輕授  
具位某貴主之子端謹慈良引例自陳祈恩于朕宜遷  
品序以示眷懷服茲命書往祇厥事可

入內皇城使資州刺史王仲干可遙郡團練使

制

勅具官某朕操爵賞之柄以褒勵庶工必稽其行治勞  
列而後加焉以爾賦材明敏持己恪勤祇事禁廷夙彰

譽處比膺推擇往視解池措置協宜克有成績大邦團  
結遙領使名錫茲恩章以為爾寵往加懋勉副朕眷知  
可

右武衛大將軍合州刺史蔽之可遙郡團練使  
制

勅具官某屬籍之親恩紀所厚其以恪謹聞者朕必察  
而進之惟爾序於內朝循理不越宜陞位秩昭示寵嘉  
益務欽承以稱朕命可

皇城使合州刺史權發遣高陽關路鈴轄李浦  
可特授廉州團練使制

勅具官某惟爾効職邊圉總予兵鈐克以材能達於朕  
聽宜加甄獎示不弭忘團練寵名品秩隆顯服茲恩命  
無替忠勤可

入內皇城使通州刺史藍安石可通州團練使  
依舊入內皇城使制

勅具官某惟爾之父率職克勤復置茶塲會課增羨移

恩子姪錫爾命書團結隆名選授尤慎往其欽佩務稱邦  
榮可

皇叔右監門衛大將軍康州刺史仲證可特授  
依前右監門衛大將軍榮州團練使皇叔右武  
衛大將軍昌州刺史仲柔可特授依前右武衛  
大將軍貴州團練使皇叔右監門衛大將軍昌  
州刺史仲華可特授泰州團練使依前右監門  
衛大將軍皇叔右監門衛大將軍康州刺史仲

璫可特授海州團練使依前右監門衛大將軍  
制

勅具官某等朕永懷孝思念茲祖考推原所自褒顯近  
親豈惟示敦睦之恩亦以彰忠厚之化爾等列于屬籍  
夙奉內朝恪謹有常祇循憲度宜錫命書之寵進陞團  
結之榮尚體眷勤克綏祉福可

皇城使開州刺史黃式可恩州團練使依舊皇  
城使賈祥可開州刺史依舊皇城使制

勅具官某等汝等咸以材能服采近密閱歲云久勤恪  
靡愆序進厥官庸示嘉獎欽予時命尚其懋哉可

莊宅使帶御器械凌文炳可轉皇城使依舊帶

御器械制

勅具官某爾以忠敢自勵累有戰功邊臣若茲朕所嘉  
懌宜加甄錄擢進使名恩典之優惟以示勸往服朕命  
尚欽念哉可

入內左藏庫副使梁敦可入內皇城副使制

勅具官某叙進之法雖在疎遠會課以時况予官省之臣哉惟爾持己之謹率職之勤稽其歲勞宜有甄陟用錫名命昭示寵嘉往勵爾能尚有異擢可

客省使興州防禦使張誠可除正任防禦使制  
朕慎擇疆場之臣俾共武服稽其功次褒賞以時爾具  
官某勇而尚謀選任邊要肅軍捍寇積有戰多迨茲造  
朝宜錫恩命大邦禦侮擢正使名往克欽承尚多後祉  
可

東上閭門使成州團練使張蘊可依前官遙郡

防禦使制

勅朕考覈羣臣務先功實爵祿之賞資以勸能爾具官某材力之優揚歷事任總按肆武克有顯勞宜錫恩章擢陞厥位禦侮寵秩俾為汝榮往其欽承勿替勤恪可

皇城使忠州團練使兼翰林醫官使李師祖可

轉防禦使依前皇城使兼翰林醫官使制

勑具官某爾以潛邸舊臣有勞可錄宜超常格擢進厥

官防遏隆名選授惟慎今以命爾其往欽承可

皇叔右武衛大將軍榮州團練使仲珙可特授

威州防禦使依前右監門衛大將軍制

勅具官某朕永懷孝思念茲祖考推原所自褒顯近親  
豈惟示敦睦之恩亦以彰忠厚之化爾列于屬籍夙奉  
內朝恪謹有常祇循憲度宜錫命書之寵進陞禦侮之  
崇尚體眷勤克綏祉福可

皇叔右金吾衛大將軍降授通州團練使叔儻

可特授依前右金吾衛大將軍成州防禦使  
皇叔右金吾衛大將軍降授真州團練使叔  
勻可特授依前右金吾衛大將軍虢州防禦  
使制

勅具官某等爾曩掛吏議貶秩示懲既閱歲時法當甄  
序名城禦侮復爾故官往勵恪恭副予敦睦可

皇伯右金吾衛大將軍蘄州防禦使世闡可正

任防禦使制

勅具官某屬籍之親朕所惇睦以時叙進茲為典常惟爾序于內朝迪已恭恪稽其歲月在法當遷宜正禦侮之名以序陟明之典往其欽佩務稱邦榮可

皇城副使王務民可西京左藏庫使制

勅具官某爾舊服職宮省克有顯勞比加褒陞許以回授用進爾秩時惟異恩往服命書宜思所稱可

入內左藏庫使張汝弼可左藏庫使制

勅具官某惟爾嬰恙滋久難任事勞宜解內侍之名往

即真祠之秩尚加衛養以克有瘳可

文思副使董惟正可左藏庫副使制

勅具官某惟爾精於推測中騐為多宜進官榮以示褒勸錫茲寵命往其欽承可

西京左藏庫副使馮熙可左藏庫副使制

勅具官某爾於服職有勞宜膺賞典許其回授時乃特恩序進爾官以彰孝治往祇新命圖稱所蒙可

入內內侍省供備庫副使張奭可入內內侍省

西京左藏庫副使制

勅具官某朕設考績之法掌于有司其叙進羣吏必閱其歲月稽其行治而後授之爾夙稱謹良服勤官省校功數最宜有甄陞褒序厥官惟以示勸往服朕命恩稱所蒙可

入內文思使劉淵可入內左藏庫使制

勅具官某品秩異等褒勵庶工稽勞序遷厥有常格惟爾持己之慎服職之勤會課以時宜進厥位錫茲明命

昭示寵嘉往承朕恩並思報稱可

入內供備庫副使楊軫可入內西京左藏庫副

使制

勅具官某校歲月以叙遷有司之常格也爾率職恪勤  
功績可考會課來上宜錫恩章往克欽承尚有異數可  
供備庫副使陳仲穆陳仲稀可兼閭門通事舍

人制

勅具官某等朕永念欽慈弗逮榮養恩加外氏式慰孝

思爾等毓德慶門夙稱勤懋參華上閭時庸展親往服  
寵章保茲譽處可

文思副使曹慎可除兼閣門通事舍人制

勅具官某贊謁殿中資望清美以爾迪已勤懋積有譽  
言宜膺寵嘉擢茲華職往服朕命尚懋承之可

西京左藏庫副使趙稱可文思副使仍除閣門

通事舍人制

勅具官某閭門置舍人以宣傳啓奏為職資望清優朕

不輕授以爾服勤疆場顯有勞能用加褒陞俾領厥次  
進官一等併示異恩往其欽承勉圖報稱可

內殿承制閭門祇候劉安國可閭門通事舍人  
制

勅具官某閭門通奏之職贊謁殿中事任親近惟爾詳  
練儀矩祇奉有勞宜加褒陞俾踐厥次欽予時命無替  
恪勤可

內殿崇班閭門祇候藍安民可閭門通事舍人制

勅具官某爾綴班內殿聯職上閣能以勤毖達于予聞通事華資典司宣贊舉以褒陟昭示寵嘉往稱所蒙無替譽處可

左藏庫副使鄭璋可依前左藏庫副使閭門通事舍人制

勅具官某爾奉事潛宮勤毖可尚宜加褒擢示不弭忘上閣華資職任親近今以命爾往其欽承可

右侍禁閭門祇候閻謐可閭門通事舍人制

勅具官某軍器建局爾與有勞錄其回授之恩叅以叙遷之法擢職通贊併示褒優往務欽承無忘報稱可

入內西京左藏庫使邵希直可入內文思使制勅具官某等戚藩進爵邦有常恩惟爾見謂恪勤以名來上序陞位秩昭示寵嘉往其欽承益思勵勉可

入內西京左藏庫使董舜臣可入內文思使制勅具官某朕考績之法按羣吏功績而進之以示褒勸矧宮省之臣職任親近會課應法朕豈弭忘叙進爾官

往其祇服可

入內西京左藏庫使陳宥可文思使制

勅具官某宮省之臣率職靡懈有司會課在法當遷序進厥官以示褒獎往服寵命無替爾勤可

入內西京左藏庫使劉淵可特授文思使制

勅具官某六尚奉御之臣職任親近勤毖不懈以及終更宜進厥官昭示獎激肆予命汝往其欽承可

入內侍省西京左藏庫副使何汚可文思副

使制

勅具官某考績之法掌于有司非朝廷爵祿可計日以取亦惟念其率職之勞閱歲之久而無罪悔是亦宜於有賞也進官一等為爾之榮往其欽承益思報稱可

入內內侍省文思副使霍肅可入內內侍省左藏庫副使入內內侍省西京左藏庫副使黃彥可入內內侍省文思副使制

勅具官某等考績之法惟以勸能汝等祇事宮庭恪慎

不懈校功數最序進厥官往其欽承益思勵勉可

皇城使成州團練使某人可依前成州團練使充

昭宣使制

勑具官某朕惟爵賞之施以勵天下苟有勤績其可弭  
忘爾曩以能稱往督藝事稽考其會宜示褒優序進使  
名品秩增顯惟克祇服尚有寵嘉可

昭宣使福州管內觀察使同知內侍省事任瑞

可宣政使餘依舊制

勅叢命有官修夏人入貢之儀以垂永制成書來上用  
錫恩章具官某蘊識疏通更練庶務資其典領條列該  
詳功績為優宜膺懋賞宣政置使班秩加隆擢茲榮名  
昭示寵獎往其祇服無替忠勤可

皇姪右千牛衛將軍不溢可莊宅副使制

勅具官某屬籍之親領秩衛府願試吏事朕所嘉從易  
授使名往即銓任汝其勉哉可

文思副使尹正可內園副使制

勅具官某汝以勞進秩乞避名嫌有司具聞朕命易授  
官雖次等於汝為安可

軍器庫副使兼翰林醫官副使王處厚可翰林  
醫官使制

勅具官某爾弟師厚以勞當遷移恩于兄朕所嘉聽用  
遷爾秩其往欽承可

太醫承直翰林醫官局李袞可翰林醫官副使

制

勅具官某爾以醫診之勤久直主第特蠲歲閑寵進厥  
官往其懋承務稱恩命可

醫官杜日遷杜日思可並翰林醫官使制

勅具官某等爾等進由方技勞效可稱宜加褒陞昭示  
獎激特蠲餘考寵以使名服茲異恩無替勤恪可

左藏庫副使董惟正可授禮賓使制

勅具官某禮賓置使褒遇武聯惟爾夙以恪勤獲事潛  
邸迨膺眷擢祇奉有勞宜錫恩章超進厥位往承無替

保茲寵榮可

河州岱爾族首領斯多特經與禮賓副使制

勅具官某爾忠力武材雄于種族捍敵取勝積有戰功  
加超陞以示獎激惟克祇服尚有寵榮可

空名招納諸司使官制

勅具官某効順之臣朕恩所厚榮名寵祿褒賞惟優爾  
稟資驍雄著聞族部奮忠歸義誠節可嘉宜錫命書列  
于使秩往其欽佩益懋事功可

四方館使榮州刺史樞密副都承旨朱孝孫可  
正任防禦使依前樞密都承旨制

勅朕明發不寐有懷哲宗推原同氣之恩申錫外家之  
寵具官某操修端靜識慮詳明欽成之親爾為近屬宜  
加進擢俾領使華正兵防之顯名仍樞筦之舊職與承  
密命秩峻地親惟時褒榮往其祇服可

賈德明任承睿可都承旨制

勅具官某等樞宥之府所承稟而宣行者皆禁密之命

必求謹厚之材乃可備於陪屬以爾等有恪愿之資加  
肅給之敏麗名機務實惟勞舊按其資望擢總綱領勉  
思勤盡尚副褒寵可

西京左藏庫副使兼閣門通事舍人殿中省尚  
輦奉御兼勾當祇候庫劉景宣可候今任滿  
日特令再任制

勅具官某惟爾祇奉輦輿兼職筦庫恪勤不懈能譽可  
嘉宜錫恩章命爾再任體予寵獎其懋承之可

從事郎試辟廩博士馮師忠可候今任滿日令再任制

勅具官某爾服職膠庠訓講有譽宜久厥任俾副士心往其欽承以待推擇可

樞密直學士朝請大夫知定州管師仁可左朝議大夫依前樞密直學士候今任滿日令再任制

勅持橐從臣出入闈寄聲績之茂達於朕聞宜錫恩章

昭示褒賞具官某夙膺推擇揚歷清華茲守中山總護  
諸將經營保聚建築西關峙積芻糧訓練師旅顯有勳  
勞之實仍加鎮靜之能擢進文階寵以再任蔽自朕志  
爾其懋承可

太學博士蘇睿可候今任滿日令再任制

勅具官某爾以術業行義與太學師儒之選克有譽處  
達於予聞宜久厥官以訓多士欽承無怠嗣有寵嘉可  
將仕郎試辟雍錄朱承可候今任滿日令再任

制

勑具官某爾由太學陞選寢服官榮擢寘辟廱閑日滋  
久率職有譽達於予聞爰錫命書寵以再任欽承母替  
嗣有褒甄可

從事郎試太學錄孫疇可候今任滿日令再任制  
勑具官某爾以經術行能服在太學效實之美達于予  
聞宜錫命書寵以再任尚有異擢爾往懋哉可

奉聖旨米芾罷郎官差知淮陽軍制

勅具官某春官總禮樂學校之政令為郎於此時謂崇途  
惟爾險怪詭譎好為奇言異行言章以聞理宜斥罷黜  
守軍壘有社與民往省厥愆無重後悔可

左朝議大夫試兵部尚書兼侍讀劉拯御批劉  
拯操蘊姦邪詆沮朝廷已行之命言涉不遜在理  
豈容可落職差知蘄州制

勅六官之長時予邇臣獻納謀謨當體國是苟愆素守  
罰其可逃具官某召自遐方寢更顯擢弗思砥礪以報

寵章迺操蘊姦邪濟以狠愎詆沮成命言涉不恭彈章  
亟聞朕不汝赦黜守支郡有社有民尚為寬恩無忘循  
省可

龍圖閣學士朝散郎知河南府范致虛可特降  
兩官制

勅侍從之臣朕所信任苟弗務忠實懷私誕謾宜昭典  
刑以示禁戒具官某曩繇疎遠擢備清華而自蹈匪彝  
犯干公義訟田積歲汝實建謀訴牘具存豈不信與連

卷六  
興犴獄煩柰有司追茲考證之明灼見欺誣之迹黜官  
二等時迺寬恩往省厥愆無重後悔可

張轂特降兩官制

勅具官某朕念屯戍之師服勞于外故撫寧其家唯恐  
弗至比命汝察其廩給蓋以防猾夫侵漁其間也汝弗  
往躬省老稚竊聞獄辭具孚朕不汝赦黜官二等俾懲  
厥愆祗服寬恩勉圖後効可

蔡王府都監入內西京左藏庫副使李永言降

兩官制

勅具官某黜罰之施昭示禁令爾弗克懋慎自干典刑  
閱辭具孚宜有懲責特衝舊服仍降兩官尚為寬恩往  
省厥咎可

宗室金吾衛大將軍代州防禦使克如降兩官  
勒住朝參制

勅具官某朕敦睦宗族以隆親親黜賞之施時惟政典  
爾弗務恪慎自蹈匪彝達於朕聞按驗不爽宜加懲責

以允明刑特降兩官仍罷朝謁尚為寬宥無重後愆可  
淮東提刑章縡降兩官送吏部與遠小處監當

制

御批崇寧五年六月二十一日指揮不帶舊鈔在帶舊  
鈔之上蓋為三分鈔立法今香鹽司將三分鈔舊法擅  
在七月十三日五分新鈔之上仍一面行下鹽場支鹽  
五分鈔行之未久始克就緒而香鹽司官挾情沮壞御  
前處分身任其事公害其法不正典刑何以懲勸其本

司官可先次衝替仍降兩官送吏部與遠小處監當吏人杖一百決訖勒停

勅具官某鈔法之行始克就緒爾身任其事所宜遵承而迺挾情自私阻壞詔旨遂非無憚良駭朕聞不正典刑何以示戒宜先衝罷仍黜厥官俾還銓曹遠司筦庫往加循省勿重後愆可

端明殿學士朝散大夫曾孝寬可差知鄆州降授奉議郎趙禹可差知徐州制

勅朕仰稽前世督正治官使暨乃僚以倡守牧眷惟巨  
屏屬在真才具官曾孝寬朕所簡知勳德之後惠和詳慎  
克紹其門汶陽之田風醇土沃往諧共治以康元元俾  
邦咸喜曰有良翰時爾稱職其益懋哉可

勅具官趙禹通敏宏毅志欲有為朕所簡拔列之法從  
比緣小眚謫蒞軍壘言念省循是遷徐土爾維布宣朕  
德以惠元元俾邦咸喜曰有良翰時爾稱職其益懋哉

可

趙靖特降一官仍衝替制

勅具官某爾為獄官聽辭爽實逮加覆按具得厥情降  
秩示懲仍特衝罷茲惟政曲用戒不虔可

城南廂安濟坊提轄使臣左班殿直蔣迪可降  
一官衝替制

勅具官某朕置安濟坊以療疾病之民法令既備尚慮  
有司奉行不虔命官按視惟爾弛慢失職達於朕聞宜  
黜厥官仍加衝罷以昭示訓懲為羣吏之戒可

承議郎黃彥承制劉亦侍禁王運殿直張大忠各先  
降一官送大理寺取勘制

勅具官某等汝等服在大官弗克勤苾宴饌廢缺良駭  
予聞降秩示懲仍俾推治往思厥咎母重悔尤可

循化城守禦將佐等京東第六副將供備庫副  
使郭昱特與轉兩官同總領河州蕃將兵內殿  
承制王德厚特與轉西上閭門副使知城寨東  
頭供奉官劉歆特與轉兩資安強寨守禦將佐

等奏鳳第三將左藏庫使呂整大通城知城供  
奉官楊德管押餘丁使臣供奉官孫元各特與  
轉一資內楊德特更與減一年磨勘制

勑具官某等爾等擐甲執兵服戎疆場招納守禦咸有  
顯勞條狀以聞第遷位等無忘忠報以稱寵休可

使臣安質劉誠時憚可並轉一官大將耿宗言孫  
吉可並轉一資制

勑具官某惟爾預修城堡工役不愆稽其勞能宜有甄

獎錫茲恩命無怠欽承可

西京左藏庫副使兼閣門通事舍人陳仲岱供  
備庫副使兼閣門通事舍人陳仲岱陳仲偉可

各轉兩官制

勅具官某等朕追懷欽慈弗逮榮養於其遷祔施澤外  
家爾等恪謹慈良實在近屬比還姓氏抗疏自陳惟茲  
叙進之恩時乃已行之命往綏寵祿以副朕心可

內殿崇班王祥趙暉郝軫各轉一官張吉朱定

各轉兩官皇城使劉法轉遜郡刺史供備庫副使石舜舉轉兩官制

勅具官某等朕恢復河湟邁追先志爾等出入行陣積有戰多幕府以聞朕用嘉止爰考功次序進厥官往服恩章益勵後效可

皇城副使兼閭門通事舍人折可大特與轉西上閭門副使內藏庫使王亢左驥驥副使卓裕勒左藏庫副使經諾爾各轉一官西京左藏庫副使

卷之二  
鄂特寧與轉兩官制

勑具官某等朕以文德武威撫寧疆場爾等出入行陣克懋忠勤論次厥功第加賞拔益思奮勵以副恩章可

從事郎充熙河蘭湟路轉運司勾當公事程固  
可改合入官差遣如故制

勑具官某士由遷調以升京秩者朕必引之陞見親閱其人爾今居職而朕就命之爾之膺此可謂榮矣其究

乃心以圖報稱可

直龍圖閣權發遣河北路都轉運使梁子美可  
特落發遣字制

勅具官某朔部被邊帶河國之根本總司漕輓委用不  
輕爾才力有餘濟以勤恪宣勞外服所至可稱比縣簡  
知專往使事率職愈勵朕豈弭忘用加褒陞寵以資任  
祇服恩命尚其懋哉可

承直郎趙知機可換右職制

勅具官某爾數犯刑典難齒左銓易授武階俾有餼廩  
往其兢慎尚免後愆可

京畿轉運副使張果可陞充轉運使仍遷一官  
制

勅具官某置使京畿總司漕輓職專刺舉權任匪輕爾  
頃膺選擢擢貳厥事與建北輔勞力可嘉宜正使名乃  
遷秩序茲為褒寵無忘欽承可

詳定編修國信條例所點檢文字喬永慶及左

班殿直梁善王宗望三班借職是清三班奉職  
聶通可各轉一官管勾都亭西驛所前行陳公  
昂可借職制

勅具官某朕推恩書局不掩爾勞寵以官榮往其祇服  
可

朝請大夫知鄧州向宗賢可轉一官差遣依舊  
制

勅具官某師帥之長與予共治有勞可錄夫豈弭忘惟

爾材力之優率職有裕葺完東都成績可嘉宜錫恩章以示甄獎進官一等時乃異恩往其欽承益思所稱可

右侍禁充翰林書藝局祇候睿思殿御前文字

庫祇應鄧惟賢特與轉一官依舊帶破見請驛

料待詔請給制

勅具官某惟爾書藝有勞進遷位等餼廩稱事亦以勸能往服恩章無忘勤毖可

蕃官皇城使昭州刺史韋順明皇城使嶽州刺

史劉延壽特與換漢官左藏庫使折可名內殿  
崇班格節各與轉一官制

勑具官某等爾等奮身效順來造闕廷忠義若茲朕所  
嘉尚載加褒擢以示寵榮祇服命書無忘報稱可

宣德郎王雲為進崇寧奉使雞林志文理可採  
特轉一官與諸軍差遣制

勑具官某比嘗遣使往撫三韓爾以牋筦從行實紀其  
事文理可採宜有褒榮序進厥官俾守軍壘往加勵勉

以稱所蒙可

